

# 卷九

書名 重選唐音大成十四卷附錄一卷 嘉靖五年  
刊本  
撰者 明 邵天和 輯  
卷 卷九  
內容分類 集-總集-各代-唐  
索書號 集部-總集-51  
編號 D7841400

彩色首頁1

東洋文化研究所漢籍目錄 編號: D7841400

東洋文化研究所漢籍目錄所藏漢籍善本文影像資料庫 索書號: 集部-總集-51

漢籍善本文影像資料庫文本重選唐音大成十四卷附錄一卷 嘉靖五年刊本

版權所有: 東京大學 東洋文化研究所

使用上的注意事項

重選唐音大成卷之一

宜興邵天和節夫編校

始音

從軍行

楊炯

火照西京心中自不平  
牙璋辭鳳闕鐵騎繞龍城  
暗凋旗畫風多雜  
鼓聲寧為百夫長  
勝作一書生

劉生


本六郡年長入三秦  
白壁酌知已黃金謝主人  
生赤電馬足起紅塵  
日莫歌鍾發喧動四隣

紫騮馬

所究研京東院學化文方東  
2046  
No.



0 1 2 3 4 5 6 7 8 9 20 1 2 3 4 5 6 7 8 9 3





續選唐音大成卷之九

宜興邵天和節夫編校

補音一

五言古詩

古風

李太白

大雅久不作吾衰敬誰陳  
王風委蔓草戰國多荆榛  
龍虎相啖食兵戈逮狂秦  
正聲何微茫哀怨起騷人  
揚馬激頽波奔流蕩無垠  
廢興雖萬變憲章亦已淪  
自從建安來綺麗不足珍  
聖代復元古垂衣責清真  
群才屬休明乘運共躍鱗  
文質相炳煥衆星羅秋旻

我志在剛述垂輝映千春希聖如有立絕筆於獲麟  
其二

秦皇掃六合虎視何雄哉飛劍決浮雲諸侯盡西來  
明斷自天啓大略駕群才收兵鑄金人函谷正東關  
銘功會稽嶺騁望琅琊臺刑徒七十萬起土驪山隈  
尚採不死藥茫然使心哀連弩射海魚長鯨正崔嵬  
額鼻象五嶽揚波噴雲雷鬣蔽青天何由覩蓬萊  
徐市載秦女樓船幾時迴但見三泉下金棺葬寒灰

其三

代馬不思越越禽不戀燕情性有所習士風固其然

昔別鴈門關今戍龍庭前驚沙亂海日飛雪迷胡天  
蟣蟲生虎鶻心竟逐旌旃苦戰功不賞忠誠難可宣  
誰憐李飛將白首沒三邊

其四

秦水別隴首幽咽多悲聲胡馬顧朔雪蹙蹙長嘶鳴  
感物動我心緬然含歸情昔視秋蛾飛今見春蠶生  
孀孀桑柘葉萋萋柳垂榮急節謝流水羈心搖懸旌  
揮涕且復去惻愴何時平

其五

殷后亂天紀楚懷亦已昏夷羊滿中野葦池盈高門

比干諫而死屈平竄湘源虎口何婉嬖女頰空嬋媛  
彭咸久淪沒此意與誰論

妾薄命

漢帝寵阿嬌貯之黃金屋咳唾落九天隨風生珠玉  
寵極愛還歇妬深情却踈長門一步地不肯暫迴車  
雨落不上天水覆難再收君情與妾意各自東西流  
昔日芙蓉花今成斷根草以色事他人能得幾時好

塞上曲

大漢無中策匈奴犯渭橋五原秋草綠胡馬一何驕  
命將征西極橫行陰山側燕支落漢家婦女無華色

轉戰渡黃河休兵樂事多蕭條清萬里瀚海寂無波

東武吟

好古笑流俗素聞賢達風方希佐明主長揖辭成功  
白日在高天迴光燭微躬恭承鳳凰詔歛起雲蘿中  
清切紫霄迥優游丹禁通君王賜顏色聲價凌煙虹  
乘輿擁翠蓋扈從金城東寶馬麗絕景錦衣入新豐  
依巖望松雪對酒鳴絲桐因學揚子雲獻賦甘泉宮  
天書美片善清芬播無窮一朝去金馬飄落成飛蓬  
賓客日踈散玉樽亦已空才力猶可倚不慙世上雄  
閑作東武吟曲盡情未終書此謝知己吾尋黃綺翁

長歌行

桃李待日開榮華照當年東風動百物草木盡欲言  
枯枝無醜葉涸水吐清泉大力運天地義和無停鞭  
功名不早著竹帛將何宣桃李務青春誰能貫白日  
富貴與神仙蹉跎成兩失金石猶銷鑠風霜無久質  
畏落日月後強飲歌與酒秋霜不惜人倏忽侵蒲柳

贈溧陽宋少府陟

李斯未相秦且逐東門兔宋玉事襄王能為高唐賦  
常聞綠水曲忽此相逢遇掃洒青天開豁然披雲霧  
歲蕤紫鸞鳥巢在崑山樹驚風西北吹飛落南溟去

早懷經濟策特受龍顏顧白玉棲青蠅君臣各行路  
人生感分義貴欲呈丹素何日清中原相期廓天步

贈常侍御

安石在東山無心濟天下一起振橫流功成復蕭灑  
大賢有卷舒季葉輕風雅匡復屬何人君為知音者  
傳聞武安將氣振長平瓦燕趙期洗清周秦保宗社  
登朝若有言為訪南遷賈

博晉鄭太守自廬山千里相尋入江夏北市  
門見訪却之武陵立馬贈別

大梁貴公子氣蓋蒼梧雲若無三千客誰道信陵君

救趙復存魏英威天下聞邯鄲能屈節訪傳從毛薛  
夷門得隱淪而與侯生親仍要鼓刀者乃是袖槌人  
好士不盡心何能保其身多君重然諾意氣遙相託  
五馬入市門金鞍照城郭都忘虎竹貴且與荷衣樂  
去去桃花源何時見歸軒相思無終極腸斷朗江猿

贈張相鎬

神器難竊弄天狼窺紫宸六龍遷白日四海暗胡塵  
旻穹降元宰君子方經綸澹然養浩氣劍起持大鈞  
秀骨象山嶽英謀合鬼神佐漢解鴻門生唐為後身  
擁旄秉金鉞伐鼓乘牛輪虎將如雷霆總戎向東巡

諸侯拜馬首猛士騎鯨鱗澤被魚鳥悅令行草木春  
聖智不失時建功及良辰醜虜安足紀可貽幟與巾  
倒瀉溟海珠盡為入幕珍馮異獻赤伏鄧生倏來臻  
庶同昆陽舉再覩漢儀新昔為管將鮑中奔吳隔秦  
一生欲報主百代期榮親其事竟不就哀哉難重陳  
卧病宿松山蒼茫空四鄰風雲激壯志枯槁驚常倫  
聞君自天來自張氣益振亞夫得劇孟敵國空無人  
捫蝨對桓公願得論悲辛大塊方噫氣何辭鼓青蘋  
斯言儻不合歸老漢江濱

寄東魯二稚子

吳地桑葉綠吳蠶已三眠我家寄東魯誰種龜陰田  
春事已不及江行復茫然南風吹歸心飛墮酒樓前  
樓東一株桃枝葉拂青煙此樹我所種別來向三年  
桃今與樓齊我行尚未旋嬌女字平陽折花倚桃邊  
折花不見我淚下如流泉小兒名伯禽與姊亦齊肩  
雙行桃樹下撫背復誰憐念此失次第肝腸日憂煎  
烈素寫遠意因之汶陽川

送薛九被讒去魯

宋人不辯玉魯賤東家丘我笑薛夫子胡為兩地遊  
黃金消衆口白璧竟難投梧桐生羸藜綠竹亦佳實

鳳凰宿誰家送與群雞匹田家養老馬窮士歸其門  
蛾眉突鬢者賓客去平原却斬美人首三千還駿奔  
毛公一挺劍楚趙兩相存孟嘗悅狡兔三窟賴馮諼  
信陵奪兵符為用侯生言春申一何愚刎首為李園  
賢哉四公子撫掌黃泉裏借問笑何人笑人不好士  
爾去且勿誼桃李竟何言沙丘無漂母誰肯餒王孫

送岑徵君歸鳴臯山

岑公相門子雅望歸安石奕世皆夔龍中台竟三折  
至人達機兆高揖九州伯柰何天地間而作隱淪客  
貴道能全真潛輝卧幽鄰探元入宵默觀化游無垠

光武有天下嚴陵為故人雖登洛陽殿不屈巢由身  
余亦謝明主今稱偃蹇臣登高覺萬古思與廣成鄰  
蹈海寧受賞還山非問津西來一搖扇共拂元規塵

送張秀才謁高中丞

余時繫尋陽獄中正讀留侯傳秀才張孟  
熊羆滅胡之策將之廣陵謁高中丞余喜  
子房之風感激於斯人因作是詩以送之  
秦帝淪玉鏡留侯降氛氲感激黃石老經過滄海君  
壯士揮金槌報讐六國聞智勇冠終古蕭陳難與群  
兩虎爭鬪時天地動風雲酒酣舞長劍倉卒解漢紛

宇宙初倒懸鴻溝勢將分英謀信奇絕夫子揚清芬  
胡月入紫微三光亂天文高公鎮淮海談笑却妖氛  
採爾幕中畫戲難光殊勲我無燕霜感玉石俱燒焚  
但洒一行淚臨岐竟何云

金陵鳳凰臺置酒

置酒延落景金陵鳳凰臺長波寫萬古心與雲俱開  
借問往昔時鳳凰為誰來鳳凰去已久正當今日迴  
明君越義軒天老坐三台豪士無所用彈絃醉金壘  
東風吹去花安可盡杯六帝沒幽草深宮冥綠苔  
置酒勿復道歌鍾但相催

秋浦清溪雪夜對酒客有唱鷓鴣者

披君貂襜褕對君白玉壺雪花酒上滅頓覺夜寒無  
客有桂陽至能吟山鷓鴣清風動心竹越鳥起相呼  
持此足為樂何煩笙與竽

金陵望漢江

漢江迴萬里派作九龍盤橫瀆豁中國崔嵬飛迅端  
六帝淪亡後三吳不足觀我君混區宇垂拱衆流安  
今日任公子滄浪罷釣竿

西施

西施越溪文出自苧羅山秀色掩今古荷花羞玉顏

浣紗弄碧水自與清波閑皓齒信難開沉吟碧雲間  
句踐求絕豔揚蛾入吳關提攜館娃宮杳眇詎可攀  
一破夫差國千秋竟不還

蘇武

蘇武在匈奴十年持漢節白鴈上林飛空傳一書札  
牧羊邊地苦落日歸心絕渴飲月窟水飢餐天上雪  
東還沙塞遠北愴河梁別泣把李陵衣相看泣成血

春思

燕草如碧絲秦桑低綠枝當君懷歸日是妾斷腸時  
春風不相識何事入羅幃

唐音卷之九  
經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯  
中原走豺虎烈火焚宗廟太白晝經天顏陽掩餘照  
王城皆蕩覆世路成奔峭東海望長安頓眉寡西笑  
蒼生疑落葉白骨空相吊連兵似雪山破敵誰能料  
我垂北溟翼且學南山豹崔子賢主人歡娛每相召  
胡床紫玉笛却坐青雲叫楊花滿州城置酒同臨眺  
忽思剡溪去水石迤清妙雪晝天地明風開湖山貌  
悶為洛生詠醉發六越調赤霞動金光日足森海嶠  
獨散萬古意閑垂一溪釣猿近天上帝人移月邊棹

無以墨綬苦來求丹砂要華髮長折腰將貽陶公誚

送韓準裴政孔巢父還山

獵客張兔宜不能掛龍虎所以青雲人高歌在巖戶  
韓生信英彥裴子含清真孔侯復秀出俱與雲霞親  
峻節凌遠松同衾卧盤石斧冰漱寒泉三子同二友  
時時或乘興往往雲無心出山揖牧伯長嘯輕衣簪  
昨宵夢裏還云弄竹溪月今辰魯東門暢飲與君別  
雪崖滑去馬羅徑迷歸人相思若煙草歷亂無冬春  
對雪奉餞任城六父秩滿歸京

龍虎謝鞭策鷓鴣不司晨君看海上鶴何似籠中鷄

獨用天地心浮雲乃吾身雖將簪組狎若與煙霞親  
季父有英風白眉超常倫一官即夢寐脫屣歸西秦  
竇公敞華筵墨客盡來臻燕歌落胡鴈郢曲迴陽春  
征馬百度嘶遊車動行塵躊躇未忍去戀此四座人  
錢離駐高駕惜別空慙慙何時竹林下更與步兵鄰  
至陵陽山登天柱石訓韓侍御見招隱黃山  
韓衆騎白鹿西往華山中玉女千餘人相隨在雲空  
見我傳秘訣精誠與天通何意到陵陽遊目送飛鴻  
天子昔避狄與君亦乘驄擁兵五陵下長策馭胡戎  
時秦解綉衣脫身苦飛蓬鸞鳳翻羽翼啄粟坐樊籠

海鶴一笑之思歸向遼東黃山過石松巘嶠上攢叢  
因巢翠玉樹忽見浮丘公又引王子喬吹笙舞松風  
朗詠紫霞篇請開藥珠宮步綢繞碧落倚樹招青童  
何日可攜手遺形入無窮

遊太山

朝飲王母池暝投天門關獨抱綠綺琴夜行青山間  
山明月露白夜靜松風歇仙人遊碧峯處處笙歌發  
寂靜娛清暉玉真連翠微想像鸞鳳舞飄飄龍虎衣  
捫天摘匏瓜恍惚不憶歸舉手弄清淺誤攀織女機  
明晨坐相失但見五雲飛

登廣武古戰場懷古

秦鹿奔野草逐之若飛蓬項王氣蓋世紫雷明雙瞳  
呼吸八千人橫行起江東赤精斬白帝叱咤入關中  
兩龍不並躍五緯與天同楚滅無英圖漢興有成功  
按劍清八極歸酣歌大風伊昔臨廣武連兵決雌雄  
分我一杯羹太皇乃汝翁戰爭有古跡壁壘頽層穹  
猛虎吟洞壑飢鷹鳴秋空翔雲列曉陣殺氣赫長虹  
撥亂屬豪聖俗儒安可通沉酒呼豎子狂言非三公  
撫掌黃河曲嗤嗤阮嗣宗

南奔書懷

遙夜何漫漫空歌白石爛竇戚未匡齊陳平終佐漢  
撓捨掃河洛直割洪溝半歷數方未遷雲雷屢多難  
天人秉旄鉞虎竹光藩翰侍筆黃金臺傳觴青玉按  
不因秋風起自有思歸嘆主將動讒疑王師忽離叛  
自來白沙上鼓譟丹陽岸賓御如浮雲從風各消散  
舟中指可掬城上骸爭爨草草出近關行行昧前筭  
南奔劇星火北寇無涯畔顧不七寶鞭留連道傍翫  
太白夜食昴長虹日中貫秦趙興天兵茫茫九州亂  
感遇明主恩頗高祖述言過江誓流水志在清中原  
拔劍擊前柱悲歌難重論

遊敬亭寄崔侍御

我家敬亭下，輒繼謝公作。相去數百年，風期宛如昨。  
登高素秋月，下望青山郭。俯視鴛鷺群，飲啄自鳴躍。  
夫子雖贈登瑤臺，雪中鶴獨立，窺浮雲。其心在寥廓。  
時來顧我笑，一飯葵與藿。世路如秋風，相逢盡蕭索。  
腰間玉具劍，意許無遺諾。壯士不可輕，相期在雲閣。

送魯郡劉長史遷弘農長史

魯國一杯水，難容橫海鱗。仲尼且不敬，况乃尋常人。  
白玉換斗粟，黃金買尺薪。閉門木葉下，始覺秋非春。  
聞君向西遷，地即鼎湖鄰。寶鏡匣蒼蘚，丹經埋素塵。

軒后上天時，攀龍遺小臣。及此留惠愛，庶幾風化淳。  
魯縞如白煙，五緜不成束。臨行贈貧交，一尺重山嶽。  
相國齊晏子，贈行不及言。託陰當樹李，忘憂當樹萱。  
他日見張祿，綈袍懷舊恩。

經下邳圯橋懷張子房

子房未虎嘯，破產不為家。滄海得壯士，推秦博浪沙。  
報韓雖不成，天地皆振動。潛匿遊下邳，豈曰非智勇。  
我來圯橋上，懷古欽英風。唯見碧流水，曾無黃石公。  
嘆息此人去，蕭條徐泗空。

望鸚鵡洲懷禰衡

魏帝營八極。蟻觀一襴衡。黃祖斗筭人。殺之受惡名。  
吳江賦鸚鵡。落筆起群英。鏘鏘振金玉。句句欲飛鳴。  
鷺鷥啄孤鳳。千春傷我情。五嶽起方寸。隱然詎可平。  
才高竟何施。寡識冒天刑。至今芳洲上。蘭蕙不忍生。  
春日獨酌

春日醉起言志

處世若大夢。胡為勞其生。所以終日醉。頽然卧前楹。

覺來眄庭前。一鳥花間鳴。借問此何時。春風語流鶯。  
感之欲嘆息。對酒還自傾。浩歌待明月。曲盡已忘情。

對酒

勸君莫拒杯。春風笑人來。桃李如舊識。傾花向我開。  
流鶯啼碧樹。明月窺金壘。昨日朱顏子。今日白髮催。  
棘生石虎殿。鹿走姑蘇臺。自古帝王宅。城闕閉黃埃。  
君若不飲酒。昔人安在哉。

擬古

青天何歷歷。明星如白石。黃姑與織女。相去不盈尺。  
銀河無鵲橋。非時將安適。閨人理紈素。遊子悲行役。

瓶水知冬寒霜露欺遠客客似秋葉飛飄飄不言歸  
別後羅帶長愁寬去時衣乘月託宵夢因之寄金徽

其二

高樓入青天下有白玉堂明月看欲墮當牕懸清光  
遙夜一美人羅衣沾秋霜含情弄柔瑟彈作陌上桑  
絃聲何激烈風捲遠飛梁行人皆躑躅棲鳥去廻翔  
但寫妾意苦莫辭此曲傷願逢同心者飛作紫鴛鴦

尋陽紫極宮作

何處聞秋聲脩脩北窓竹迴薄萬古心攬之不盈掬  
靜坐觀衆妙浩然媚幽獨白雲南山來就我簷下宿

瀨從唐生決羞訪季主卜四十九年非一往不可復  
野情轉蕭散世道有翻覆陶令歸去來田家酒應熟

少年子

青雲少年子挾彈章臺左鞍馬四邊開突如流星過  
金丸落飛鳥夜入瓊樓卧夷齊是何人獨守西山餓

戲贈鄭溧陽

陶今日日醉不知五柳春素琴本無絃漉酒用葛巾  
清風北牕下自謂羲皇人何時到栗里一見平生親

金鄉送常八之西京

客自長安來還歸長安去狂風吹我心西掛咸陽樹

此情不可道此別何時遇望望不見君連山起煙霧  
王右軍

右軍本清真瀟灑在風塵山陰遇羽客愛此好鵝賓  
掃素寫道經筆精妙入神書罷寵鵝去何曾別主人  
待酒不至

玉壺繫青絲沽酒來何遲山花向我笑正好銜杯時  
晚酌東牕下流鶯復在茲春風與醉客今日乃相宜

嘲王歷陽不肯飲酒

地白風色寒雪花大如手笑殺陶淵明不飲杯中酒  
浪熱一張琴虛栽五株柳空負頭上巾吾於爾何有

子夜吳歌

長安一片月萬戶擣衣聲秋風吹不盡總是玉關情  
何日平胡虜良人罷遠征

友人會宿

滌蕩千古愁留連百壺飲良宵宜且談皓月未能寢  
醉來卧空山天地即衾枕

遭田父泥飲美嚴中丞

杜子美

步屐隨春風村村自花柳田翁逼社日邀我嘗新酒  
酒酣誇新尹畜眼未見有迴頭指大男渠是弓弩手  
名在飛騎籍長番歲時夕前日放營農辛苦救衰朽

差科死則已誓不舉家走今年大作社拾遺能任  
叫婦開大甌盆中為吾取感此氣揚揚須知風化首  
語多雖雜亂說尹終在口朝來偶然出自卯將及酉  
夕客惜人情如何拒隣叟高聲索果栗欲起時被肘  
指揮過無禮未覺村野醜月出遮我留仍嗔問升斗

夏日李公見訪時為太子家令

遶林暑氣薄公子過我遊貧居類村塢僻近城南樓  
傍舍頗淳朴所願亦易求隔壁喚西家借問有酒不  
墻頭過濁醪展席俯長流清風左右至客意已驚秋  
巢多衆鳥喧葉密鳴蟬稠芒遭此物恬孰謂吾廬幽

水花晚色靜庶足充淹留預恐樽中盡更起為君謀

北征

皇帝二載秋閏八月初吉杜子將北征蒼茫問家室  
維時遭艱虞朝野少暇日顧慙恩私被詔許歸蓬華  
拜辭詣闕下怵惕夕未出雖乏諫諍姿恐君有遺失  
君誠中興主經緯固密勿東胡反未已臣甫憤所切  
揮涕戀行在道途猶恍惚乾坤含瘡痍憂虞何時畢  
靡靡踰阡陌人煙眇蕭瑟所遇多被傷呻吟更流血  
回首鳳翔縣旌旗晚明滅前登寒山重屢得飲馬窟  
邠郊入地底涇水中蕩瀟猛虎入我前蒼崖吼時裂

菊垂今秋花石帶古車轍青雲動高興幽事亦可悅  
山果多瑣細羅生雜橡栗或紅若丹砂或黑如點漆  
雨露之所濡甘苦齊結實緬思桃源內益歎身世拙  
坡陀望鄜時谷崖互出沒我行已水濱我僕猶木末  
鷓鴣鳴黃桑野鼠拱亂穴夜深經戰場寒月照白骨  
潼關百萬師往者散何卒遂令半秦民殘害為異物  
况我墮胡塵及歸盡華髮經年至茅屋妻子衣百結  
慟哭松聲迥悲泉共幽咽平生所嬌兒顏色白勝雪  
見爺背面啼垢膩脚不鞵牀前兩小女補綻纔過膝  
海圖折波濤舊綉移曲折天吳及紫鳳顛倒在短褐

老夫情懷惡嘔泄卧數日那無囊中帛救汝寒凜慄  
粉黛亦解苞衾裯稍羅列瘦妻面復光癡女頭自擲  
學母無不為曉粧隨手抹移時施朱鉛狼籍畫眉闊  
生還對童稚似欲忘飢渴問事競撓鬚誰能即嗔喝  
翻思在賊愁甘受雜亂聒新歸且慰意生理焉能說  
至尊尚蒙塵幾日休練卒仰看天色改旁覺妖氛豁  
陰風西北來慘澹隨回紇其王願助順其俗喜馳突  
送兵五千人驅馬一萬匹此輩少為貴四方服勇決  
所用皆鷹騰破敵過箭疾聖心頗虛佇時議氣欲奪  
伊洛指掌收西京不足拔官軍請深入蓄銳伺俱發

此舉開青徐旋瞻略恒碣昊天積霜露正氣有肅殺  
禍轉亡胡歲勢成擒胡月胡命其能久皇綱未宜絕  
憶昨狼狽初事與古先別奸臣竟薤醢同惡隨蕩折  
不聞夏殷衰中自誅褒姒周漢獲再興宣光果明哲  
桓桓陳將軍仗鉞奮忠烈徵爾人盡非于今國猶活  
淒涼大同殿寂寞白獸闈都人望翠華佳氣向金闕  
園陵固有神掃洒數不缺煌煌太宗業樹立甚宏達

述懷

去年潼關破妻子隔絕久今夏草木長脫身得西走  
麻鞋見天子衣袖露兩肘朝廷愍生還親故傷老醜

涕淚授拾遺流離主恩厚柴門雖得去未忍即開口  
寄書問山川不知家在否比聞同罹禍殺戮到鷄狗  
山中漏茅屋誰復依戶牖摧頽蒼松根地冷骨未朽  
幾人全性命盡室豈相偶欽峯猛虎場鬱結回我首  
自寄一封書今已十月後反畏消息來寸心亦何有  
漢運初中興平生老耽酒沈思歡會處恐作窮獨叟

奉贈韋左丞丈二十二韻

紈袴不餓死儒冠多誤身丈人試靜聽賤子請具陳  
甫昔少年日早充觀國賓讀書破萬卷下筆如有神  
賦料揚雄敵詩看子建親李邕求識面王翰願卜鄰

自謂頗挺出立登要路津致君堯舜上再使風俗淳  
此意竟蕭條行歌非隱淪騎驢三十載旅食京華春  
朝扣富兒門暮隨肥馬塵殘盃與冷炙到處潛悲辛  
主上頃見徵歛然欲求伸青真却垂翅躑躅無蹤鱗  
甚媿丈人厚甚知丈人真每於百僚上猥誦佳句新  
竊效貢公喜難甘原憲貧焉能心怏怏祇是走踈踈  
今欲東入海即將西去秦尚憐終南山迴首清渭濱  
常擬報一飯况懷辭大臣白鷗波浩蕩萬里誰能馴

石壕吏

莫投石壕村有吏夜捉人老翁踰墻走老婦出門看

吏呼一何怒婦嘆一何苦聽婦前致辭三男鄴城戍  
一男附書至二男新戰死存者且偷生死者長已矣  
室中更無人惟有乳下孫孫有母未去出入無完裙  
老嫗力雖衰請從吏夜歸急應河陽役猶得備晨炊  
夜久語聲絕如聞泣幽咽天明登前途獨與老翁別

新婚別

兔絲附蓬麻引蔓故不長嫁女與征夫不如棄路傍  
結髮為妻子席不暖君床矣婚晨告別無乃太匆忙  
君行雖不遠守邊赴河陽妾身未分明何以拜姑嫜  
父母養我時日夜令我藏生女有所歸鷄狗亦得將

君今死生地沈痛迫中腸誓欲隨君往形勢反蒼王  
勿為新婚念努力事戎行婦人在軍中兵氣恐不揚  
慨歎貧家女久致羅襦裳羅襦不復施對君洗紅粧  
仰視百鳥群大小必獲翔人事多錯迕與君永相望

### 垂老別

四郊未寧靜垂老不得安子孫陣亡盡馬用身獨完  
投杖出門去同行為辛酸幸有牙齒存所悲骨髓乾  
男兒既介冑長揖別上官老妻卧路啼歲莫衣裳單  
孰知是死別且復傷其寒此去必不歸還聞勸加飡  
土門壁甚堅杏園度亦難勢異鄴城下縱死時猶寬

人生有離合豈釋衰盛端憶昔少壯日遲迴竟長歎  
萬國盡征戍烽火被岡巒積屍草木腥流血川原丹  
何鄉為樂土安敢尚盤桓棄絕蓬室居塌然摧肺肝

### 無家別

寂寞天寶後園廬但蒿藜我里百餘家世亂各東西  
存者無消息死者為塵泥賤子因陣敗歸來尋舊蹊  
久行見空巷日瘦氣慘悽但對狐與狸豎毛怒我啼  
四隣何所有一二老寡妻宿鳥戀本枝安辭且窮棲  
方春獨荷鋤日莫還灌畦縣吏知我至召令習鼓鞞  
雖從本州役內顧無所携近行止一身遠去終轉迷

家鄉既盪盡遠近理亦齊永痛長病母五年委溝谿  
生我不得力終身兩酸嘶人生無家別何以為丞黎

贈衛八處士

人生不相見動如參與商今夕復何夕共此燈燭光  
少壯能幾時鬢髮各已蒼訪舊半為鬼驚呼熱中腸  
焉知二十載重上君子堂昔別君未婚兒女忽成行  
怡然敬父執問我來何方問荅未及已兒女羅酒漿  
夜雨剪春韭新炊間黃粱主稱會面難一舉累十觴  
十觴亦不醉感子故意長明日隔山岳世事兩茫茫

夢李太白

死別已吞聲生別常惻惻江南瘴癘地逐客無消息  
故人入我夢明我長相憶恐非平生竟路遠不可測  
竟來楓林青竟返關塞黑君今在羅網何以有羽翼  
落月滿屋梁猶疑照顏色水深波浪闊無使蛟龍得

佳人

絕代有佳人幽居在空谷自云良家子零落依草木  
關中昔喪敗兄弟遭殺戮官高何足論不得收骨肉  
世情惡衰歇萬事隨轉燭夫婿輕薄兒新人美如玉  
合昏尚知時鴛鴦不獨宿但見新人笑那聞舊人哭  
在山泉水清出山泉水濁侍婢賣珠迴牽蘿補茅屋

摘花不挿髮采栢重盈掬天寒翠袖薄日暮倚脩竹  
羗村一首

崢嶸赤雲西日脚下平地柴門鳥雀噪歸客千里至  
妻孥恠我在驚走還拭淚世亂遭飄蕩生還偶然遂  
隣人滿墻頭感嘆亦歔歎夜闌更秉燭相對如夢寐  
同諸公登慈恩寺塔時高適薛據先有此作  
高標跨蒼天烈風無時休自非曠士懷登茲翻百憂  
方知象教力足可追冥搜仰穿龍蛇窟始出枝撐幽  
七星在北戶河漢聲西流羲和鞭白日少昊行清秋  
秦山忽破碎涇渭不可求俯視但一氣焉能辯皇州

回首叫虞舜蒼梧雲正愁惜哉瑤池飲日晏崑崙丘  
黃鵠去不息哀鳴何所投君看隨陽鴈各有稻梁謀  
遊龍門奉先寺

已從招提遊更宿招提境陰壑生靈籟月林散清影  
天闕象緯逼雲卧衣裳冷欲覺聞晨鍾令人發深省  
戲簡鄭廣文虔兼呈蘇司業源明

廣文到官舍繫馬堂堦下醉即騎馬歸頗遭官長罵  
才名三十年坐客寒無羶近有蘇司業時時與酒錢  
前出塞

戚戚去故里悠悠赴交河公家有程期亡命嬰禍羅

君已富土境開邊一何多棄絕父母恩吞聲行負戈  
其二

出門日已遠不受徒旅欺骨肉恩豈斷男兒死無時  
走馬脫轡頭手中挑青絲捷下萬仞岡俯身試舉旗  
其三

磨石嗚咽水赤刃傷手欲輕踢斷聲心緒亂已久  
丈夫誓許國憤惋復何有功名圖麒麟戰骨當速朽  
其四

迢迢萬里餘領我赴三軍軍中異苦樂主將寧盡聞  
隔河見胡騎倏忽數百群我始為奴僕幾時樹功勳

其五

挽弓當挽強用箭當用長射人先射馬擒賊先擒王  
殺人亦有限立國自有疆苟能制侵陵豈在多殺傷

其六

驅馬天雨雪軍行入高山逕危抱寒石指落層冰間  
已去漢月遠何時築城還浮雲暮南征可望不可攀

遣興四首

朔風飄胡鴈慘澹帶砂礫長林何蕭蕭秋草萋更碧  
北里黃雲天高樓夜吹笛馬知南隣客九月酒締絡

其二

長陵銳頭兒出獵待明發  
驛子金瓜鎬白馬蹴微雪  
未知所馳逐但見暮光滅  
歸來懸兩狼門戶有旌節

其三

賀公雅吳語在位常清狂  
上疏乞骸骨黃冠歸故鄉  
爽氣不可致斯人今則亡  
山陰一茅宇江海日淒涼

其四

吾憐子血浩然短褐即長夜  
賦詩何必多往往凌鮑謝  
清江空舊魚春風餘甘蔗  
每望東南雲令人幾悲吒

幽懷

韓退之

幽懷不能寫行此春江潯  
適與佳節會士女競光陰

疑粧耀洲渚繁吹蕩人心間  
關林中鳥亦知和為音  
豈無一罇酒自酌還自吟  
但悲時易失四序迭相侵  
我歌君子行視古猶視今

醉贈張秘書

人皆勸我酒我若耳不聞  
今日到君家呼酒持勸君  
為此座上客及余各能文  
君詩多態度藹藹春空雲  
東野動驚俗天葩吐奇芬  
張籍學古淡軒鶴避鷄群  
阿買不識字頗知書八分  
詩成使之寫亦足張吾軍  
所以欲得酒為文俟其醺  
酒味既冷冽酒氣又氛氲  
性情漸浩浩諧笑方云云  
此誠得酒意餘外徒繽紛

長安衆富兒盤饌羅羶葷不解文字飲惟能醉紅裙  
雖得一餉樂有如聚飛蚊今我及數子固無藉與烹  
險語破鬼膽高詞媿皇墳至寶不雕琢神功謝鋤耘  
方今向太平元凱承華勛吾徒幸無事庶以窮朝曛

秋懷

離離掛空悲感感抱虛警露泫秋樹高蟲弔寒夜永  
歛退就新懦趨營悼前猛歸愚識夷塗汲古得脩綆  
名浮猶有恥味薄真自幸庶幾遺悔尤即此是幽屏

其二

霜風侵梧桐衆葉著樹乾空塔一片下瑩若摧琅玕

謂是夜氣滅望舒霄其團青冥無依倚飛轍危難安  
駸馬起出戶視倚楹夕沈瀾憂愁費晷景日月如跳丸  
迷復不計遠為君駐塵鞍

北極

北極有羈羽南溟有沈鱗川源浩浩隔影響兩無因  
風雲一朝會變化成一身誰言道理遠感激疾如神  
我年二十五求友昧其人哀歌西京市乃與夫子親  
所尚苟同趨賢愚豈異倫方為金石姿萬世無緇磷  
無為兒女態憔悴悲賤貧

歸彭城

天下兵又動太平竟何時訐謨者誰子無乃失所宜  
前年關中旱間井多死飢去歲東郡水生民為流屍  
上天不虛應禍福各有隨我欲進短策無由至彤墀  
剗肝以為紙瀝血以書辭上言陳堯舜下言引龍夔  
言詞多感激文字少歲徒一讀已自慙再尋良自疑  
食芹雖云美獻御固已癡緘封在骨髓耿耿空自竒  
昨者到京城屢陪高車馳周行多俊異議論無瑕疵  
見待頗異禮未能去毛皮到口不敢吐徐徐俟其戲  
歸來戎馬間驚顧似羈雌連日或不語終朝見相欺  
乘間輒騎馬茫茫詣空陂遇酒即酩酊君知我為誰

駑驥

駑駘誠齷齪市者何其稠力小苦易制價微良易酬  
渴飲一斗水飢食一束芻嘶鳴當大路志氣若有餘  
騏驥生絕域自矜無匹儔牽驅入市門行者不為留  
借問價幾何黃金比高丘借問行幾何咫尺視九州  
飢食玉山禾渴飲醴泉流問誰能為御曠世不可求  
惟昔穆天子乘之極遐遊王良執其轡造父挾其軻  
因言天外事茫惚使人愁駑駘謂騏驥餓死余爾羞  
有能必見用有德必見收孰云時與命通塞皆自由  
騏驥不敢言低徊但垂頭人皆劣騏驥共以駑駘優

喟余獨興歎才命不同謀寄詩同心子為我商聲謳

送石處士赴河陽幕

長把種樹書人云避世士忽騎將軍馬自號報恩子  
風雲入壯懷泉石別幽耳鉅鹿師欲老常山險猶恃  
豈惟彼相憂固是吾徒恥去去事方急酒行可以起

調張籍

李杜文章在光燭萬文長不知羣兒愚那用故謗傷  
蚍蜉撼大樹可笑不自量伊我生其後舉頸遙相望  
夜夢多見少晝思反微茫徒觀斧鑿痕不矚治水航  
想當施手時巨刃磨天揚岷崖劃崩豁乾坤擺雷礮

惟此兩夫子家居率荒涼帝欲長吟哦故遣起且僵  
翦翎送籠中使看百鳥翔平生千萬篇金薤垂琳琅  
仙官勅六丁雷電下取將流落人間者太山一豪芒  
我願生兩翅捕逐出八荒精誠忽交通百怪入我腸  
刺手拔鯨牙舉瓢酌天漿騰身跨汗漫不著織女襄  
顧語地上友經營無太忙乞君飛霞珮與我高頡頏

孟生詩

孟生江海士古貌又古心嘗讀古人書謂言古猶今  
作詩三百首皆默成池育騎驢到京國欲和薰風琴  
豈識天子居九重鬱沉沉一門百夫守無籍不可尋

晶光蕩相射旗戟翻以森遷延乍却走驚怪靡自任  
舉頭見白日泣涕下露襟竭來遊公卿莫肯低華簪  
諒非軒冕族應對多差參萍蓬風波急桑榆日月浸  
柰何從進士此路轉嶮欽異質忌處群孤芳難寄林  
誰怜松桂性競愛桃李陰朝悲辭樹葉文感歸巢禽  
顧我多慷慨窮簷時見臨清宵靜相對髮白聆苦吟  
採蘭起幽念眇然望東南秦吳脩且阻兩地無數金  
我論徐方牧好古天下欽竹實鳳所食德馨神所歆  
求觀衆丘小必上泰山岑求觀衆流細必泛滄溟深  
于其聽我言可以當所箴既獲則思返無為久滯淫

卞和試三獻期子在秋砧

符讀書城南

木之就規矩在梓匠輪輿人之能為人由腹有詩書  
詩書勤乃有不勤腹空虚欲知學少力賢愚同一初  
由其不能學所入遂異閭兩家各生子提孩巧相如  
少長聚嬉戲不殊同隊魚年至十二三頭角稍相疎  
二十漸乖張清溝映汙渠三十骨骼成乃一龍一豬  
飛黃騰踏去不能顧蟾蜍一為馬前卒鞭背生虫蛆  
一為公與相潭潭府中居問之何因爾學與不學歟  
金壁雖重寶費用難貯儲學問藏之身身在則有餘

君子與小人不繫父母口不見公與相起身自犁鉏  
不見三公後寒飢出無驢文章豈不貴經訓乃留畬  
潢潦無根源朝滿夕已除人不通古今馬牛而襟裾  
行身陷不義况望多名譽時秋積雨霽新涼入郊墟  
燈火稍可親簡編可卷舒豈不旦夕念為爾惜居諸  
恩義有相奪作詩勸躊躇

病鴟

屋東惡水溝有鴟墮鳴悲有泥揜兩翅拍拍不得離  
羣童叫相召瓦礫爭先少計校生平事殺却理亦宜  
奪攘不愧恥飽滿盤天嬉晴日占光景高風送追隨

視衆鳥群汝徒竟何為不知挾丸子心默有所規  
殫汝枝葉間羽毛不覺摧或言由黃鵠黃鵠豈有少  
慎勿猜衆鳥衆鳥不足猜無人語鳳凰汝屈安得知  
黃鵠得汝去婆婆弄毛衣前汝下視鳥各議汝瑕疵  
汝豈無朋匹有口莫肯開汝落蒿艾間幾時復能飛  
哀哀故山友中夜思汝悲路遠翅短不得持汝歸  
酬裴十六功曹巡府西驛途中見寄



相公罷論道聿至活東人御史坐言事作吏府中塵  
遂令河南治今古無儔倫四海日富庶道途隘蹄輪  
府西三百里侯館同魚鱗相公謂御史勞子去自巡

是時山水秋光京何鮮新哀鴻鳴清耳宿霧寒高旻  
遺我行旅詩軒軒有風袖譬如黃金盤照耀荆璞真  
我來亦已幸事賢友其仁持竿落水側孤坐屢窮辰  
多才自勞苦無用祇因循辭免期匪遠行行及山春  
送諸葛覺往隨州讀書

鄴侯家多書插架三萬軸一一懸牙籤新若手未觸  
為人強記覽過眼不再讀偉哉群聖文磊落載其腹  
行年餘五十出守數已六京邑有舊廬不容久食宿  
臺閣多官員無地寄一足我雖官在朝氣勢日局縮  
屢為丞相言雖懇不見錄送行過涇水東望不轉目

今子從少游學問得所欲入海觀龍魚矯翮逐黃鵠  
勉為新詩章月寄三四幅

續選唐音大成卷之九終



唐書卷之六



